



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LESIBILI (P2)

NOVEMBA 2011

IMITLOMELO: 80

ISIKHATHI: ama-iri ama-2½

Iphepheli linamakhasi ama-21.

YELELA

1. Umfundi kufanele afunde ikhaseli ngokukhulu ukuyelela ngaphambi kobana aphenhule imibuzo.
2. Ungalingi ukufunda iphepha lemibuzo loke. Qala ikhasi lokumumethweko elisekhasini elilandelako bese utshwaya iinomboro zemibuzo ebuzweko ngeencwadi ozifundileko kilomnyaka. Ngemuva kwalapho, funda imibuzo le bese ukhetha leyo ofisa ukuyiphendula.
3. Iphepheli LINEENGABA EZINTATHU:

ISIGABA A: linkondlo (30)
ISIGABA B: Inovela (25)
ISIGABA C: Umdlalo/Idrama (25)
4. Landela imiyalo esekuthomeni kesinye nesinye isigaba ngokuyelela.
5. Phendula IMIBUZO EMIHLANU seiyoye:

EMITHATHU KUSIGABA A
MUNYE KUSIGABA B
NAMUNYE KUSIGABA C
6. Sebenzisa irherho lokuzihlola ukuqinisekisa bonyana yoke imibuzo uyiphendulile.
7. Tlola iinomboro zeempendulo zakho zifane patsi nangendlela ezinonjorwe ngayo ephepheni lemibuzo.
8. Thoma ESINYE NESINYE isigaba ekhasini ELITJHA.
9. Tlola ngesandla esihle nesibonakalako.
10. Isikhathi esiphakanyisiweko sokutlola isigaba ngasinye:

ISIGABA A: Pheze imizuzu ema-40
ISIGABA B: Pheze imizuzu ema-55
ISIGABA C: Pheze imizuzu ema-55

IKHASI LOKUMUMETHWEKO:

Ikhaseli lizokwenza ukobana abafundi bakhethe imibuzo abafuna ukuphendula ngayo ngaphandle kobana bafunde iphepha loke.

ISIGABA A: IINKONDLO

linkondlo eziboniweko:

Phendula NOFANA ngimiphi imibuzo EMIBILI.

INOMBORO YOMBUZO	UMBUZO	IMITLOMELO	INOMBORO YEKHASI
1. Umuntu Mumuntu	Umbuzo omude	10	5
NOFANA			
2. Mma wami	Umbuzo onemibuzo emifitjhani	10	6
NOFANA			
3. Langa lokuthula	Umbuzo onemibuzo emifitjhani	10	7
NOFANA			
4. Itjhuguluko	Umbuzo onemibuzo emifitjhani	10	9

KANYE

Ikondlo engakabonwa:

Phendula umbuzo OWODWA.

5. Nawe Sokapho	Umbuzo omude	10	10
NOFANA			
6. Ngizazisola	Umbuzo onemibuzo emifitjhani	10	12

ISIGABA B: INOVELA

YELELA: ESIGABENI B no-C, phendula umbuzo OWODWA omude kanye NOWODWA umbuzo omifitjhani.

Phendula umbuzo OWODWA.*

7. Mbala Ngubaba	Umbuzo omude	25	13
NOFANA			
8. Mbala Ngubaba	Umbuzo onemibuzo emifitjhani	25	13
NOFANA			
9. UKholiwe	Umbuzo omude	25	15
NOFANA			
10. UKholiwe	Umbuzo onemibuzo emifitjhani	25	15

ISIGABA C: UMDLALO/IDRAMA

YELELA: ESIGABENI B no-C, phendula umbuzo OWODWA omude kanye NOWODWA onemibuzo emifitjhani.

Phendula umbuzo OWODWA. *

11. Ibhudango Lami	Umbuzo omude	25	17
NOFANA			
12. Ibhudango Lami	Umbuzo onemibuzo emifitjhani	25	17
NOFANA			
13. Umbango KaNzunza NoManala	Umbuzo omude	25	19
NOFANA			
14. Umbango KaNzunza NoManala	Umbuzo onemibuzo emifitjhani	25	19

***YELELA: ESIGABENI B kanye no-C, phendula umbuzo OWODWA OMUDE kanye NOWODWA UMBUZO OMFITJHANI.**

IRHELO LOKUQINISEKISA

- Tlola itshwayo (✓) erhelweni lokuqinisekisa elilandelako ukuhlola bona uphendule yoke imibuzo elindelekileko.

ISIGABA	IINOMBORO ZEMIBUZO	INANI LEMIBUZO EZOKUPHENDULWA	IMIBUZO	TLOLA ITSHWAYO EMBUZWENI OWUKHETHILEKO
A: linkondlo (linkondlo ezibekelwe ukufundwa)	1–4	2	1	
			2	
			3	
			4	
A: linkondlo (linkondlo ezingakabonwa)	5–6	1	5	
			6	
B: Inovela (Umbuzo omude NANYANA umbuzo onemibuzo emifitjhani)	7–10	1	7	
			8	
			9	
			10	
C: Umdlalo (Umbuzo omude NANYANA umbuzo onemibuzo emifitjhani)	11–14	1	11	
			12	
			13	
			14	
YELELA: ESIGABENI B no-C, phendula umbuzo OWODWA omude kanye NOWODWA onemibuzo emifitjhani.				

ISIGABA A: IINKONDLO

linkondlo eziboniweko (**Umbuzo woku-1 ukuya embuzweni wesi-4**): Phendula imibuzo EMIBILI kwaphela. (20)

linkondlo ezingakabonwa (**Umbuzo wesi-5 nombuzo wesi-6**): Phendula umbuzo MUNYE kwaphela. (10)

UMBUZO 1

Funda ikondlo elandelako bese uphendula umbuzo.

Umuntu Mumuntu – JN Malobola

- 1 MaNdebele ngazomba iphasi,
- 2 Ngabona ngewami amehlo,
- 3 Abanye babona ngewabanye,
- 4 Ngezwa ngeendlebe,
- 5 Ngingazwelwa njengesiduli,
- 6 Umuntu yena semumuntu,
- 7 Zakhe aziqedwa phu!
- 8 Zakhe azibonwa zoke,
- 9 Zakhe azicimeli cime!
- 10 Zinande zivumbuluka
- 11 Zinga mamanzi avinyilika.
- 12 Uneenkanuko zomlambo ogelezako,
- 13 Unehliziyo ede,
- 14 Unehliziyo yamarhamaru,
- 15 Nakuyingubo yona
- 16 Uyidosela ngancaye,
- 17 Wafuthumela ngapha,
- 18 Uyidosela ngapha.
- 19 Ukukhamba uyakhamba,
- 20 Iduduma lokujama uyalibeka;
- 21 Iye, alibeke ajame na?
- 22 Iye, afike aphumule na?
- 23 Izabe ingasimumuntu,
- 24 Zakhe iinyawo azidinwa,
- 25 Kudinwa ihliziyo.
- 26 Wafumbatha uyakakarela,
- 27 Avele ngephango,
- 28 Azesule umlomo njengekukhu,
- 29 Akafumbathi alayelise,
- 30 Ufumbatha abuyelele,
- 31 Nguye-ke umuntu loyo,
- 32 Unehliziyo yomgodi ongazaliko,
- 33 Kwazala wakhe,
- 34 Utjhiya iphasi,

35	Alale obukhulu,
36	Akutjihiye akuqalile,
37	Sikwabelane simhloboke ...

Tlola bewuhlathulule iinthombe-ngqondo ezivezwe ekondlweni engehla bewutjho bonyana ziyithinta njani ihlathululo yekondlo le.

[10]

NOFANA

UMBUZO 2

Funda ikondlo elandelako bese uphendula imibuzo.

Mma wami – MS Mahlangu

1	Ungikhalimile iye,
2	Angali ngiyavuma.
3	Wathi ngingakhambi ebusuku,
4	Wathi ngingakhambi nabesana.
5	Ngabuza ngifuna ukwazi,
6	Ngabuza bonyana kungebanga lani.
7	Ipendulo yakho kwaba liswazi,
8	Ipendulo kwaba ziinhlamba.
9	Wathi ngingabuzi okunengi
10	Kwaphela ngenze njalo.
11	Ngahlala ngitshwenyekile
12	Ngombana ngifuna ukwazi.
13	Bonyana yini ephethwe busuku,
14	Bonyana yini elumako ebesaneni.
15	Iye, ngakhamba ngekani
16	Ngombana ngifuna ilwazi.
17	Umvuzo wakho kwaba budisi,
18	Kwaba ngilokhu okubonako.
19	Nanyana ungangithuka,
20	Uthi: ngeqa amagama wakho.
21	Kwaphela khumbula lokhu:
22	Wangifihlela iqiniso lakho.

2.1 Tlola okutjihiwo yikondlo le ngokuveza amaphuzu AMABILI. (2)

2.2 Tlola imida EMIBILI esetjenziswe yimbongi endimeni yokuthoma yekondlo ekhombisa bona unina lembongi bekanganandlela yokumtjela amaqiniso wepilo. (2)

2.3 Ingabe imbongi ikhuluma ngani emdeni othi, 'Kwaba ngilokhu okubonako' osetjenziswe endimeni yesi-4 yekondlo engehla. (2)

- 2.4 Hlathulula umqondo olethwa mimida elandelako:
- 2.4.1 Ipendulo kwaba liswazi. (1)
- 2.4.2 Ipendulo kwaba ziinhlamba. (1)
- 2.5 Ngokubona kwakho ingabe imbongi inqopheni ngokusebenzisa indima yamaswaphela. (2)
- [10]**

NOFANA

UMBUZO 3

Funda ikondlo elandelako bese uphendula imibuzo.

Langa lokuthula – JN Malobola

- 1 Langa leentjhaba zephasi,
- 2 Langa lehlonipho yombebebe,
- 3 Langa lehlonipho yephasi,
- 4 Langa lehlonipho yezenzo.
- 5 Langa lezutjana elimhlotjhana,
- 6 Themba lekusasa ekhanyako.
- 7 Ugeja ngombala ohlaza sasibhakabhaka,
- 8 Isibhakabhaka setshayo lokujeja.
- 9 Wena unezenzo:
- 10 Izenzo zokufumbathana ngezandla,
- 11 Kuthulwe du! Umzuzu,
- 12 Wakhe ukuthula komzuzu.
- 13 Wavuka ulele langa,
- 14 limphaphamtjhini zatjala
- 15 Ukuthula phezulu,
- 16 Zaphapha emhlana
- 17 Zilengisa amabhaloni,
- 18 Kwajama imisebenzi kwakhulekwa.
- 19 Ngawe kwacinywa imitjhini,
- 20 Ngawe kwathula imirhatjho,
- 21 Ngawe kwajama, kwajama nesitimela:
- 22 He! Ummoya-ke?
- 23 Kwaba nokuthula ephasini,
- 24 Ukuthula kwengubo yeTempeli.
- 25 Langa lokuthula,
- 26 linkonzo zageja ngawe,
- 27 Kwabe zanele esele ziphalakile,
- 28 Yabe yanele esele iphangalele,
- 29 Kwabe zanele iintandani,
- 30 Kwabizwa ithando, umngani wakho.

31 Walawula, langa wangelawulwa,
32 Amaphephandaba ezwa ngawe,
33 Abomaqalakude bezwa ngawe,
34 Imirhatjho yezwa ngawe,
35 Umuntu wezwa ngawe,
36 Amalambha akhanya kusemini.

37 Kwajama *iWorld Trade Centre*,
38 Imikhumbulo yacabanga ngepilo,
39 Ipilo yobuntu bomuntu.
40 Umuntu wancenga ihliziyo,
41 Ayincengela kwaPhezulu:
42 Kuthula yembatha iphasi hle!

- 3.1 Tlola iinthombe-ngqondo EZIMBILI ezimumethwe mumuda we-13 ekondlweni engehla. (2)
- 3.2 Emideni yama-27 nowama-28 kunamagama eqiweko. Tlola lawo magama eqiweko emideni YOMIBILI. (2)
- 3.3 Hlathulula umnqopho wembongi ngokusebenzisa itshwayo lesibabazo emudeni wama-22 ekondlweni engehla. (2)
- 3.4 Ngokuzwisisa kwakho ikondlo le ingabe isenzo sokuphatjhiswa kwezutjana elimhlotjhana kulitshwayo elitjengisani? (1)
- 3.5 Tlola umqondo omumethwe mumuda othi, 'Kuthula yembatha iphasi hle!' osetjenziswe ekondlweni engehla. (1)
- 3.6 Ngokubona kwakho ilanga elikhulunyiswa ekondlweni le laba nomthelela kangangani ebantwini beSewula Afrika. (2)

[10]**NOFANA****UMBUZO 4**

Funda ikondlo elandelako bese uphendula imibuzo.

Itjhuguluko – JN Malobola

1 Ukutjelwa kulalela,
2 Ukungafuni kufuna,
3 Ukufuna kuzenza,
4 Uzenze usiyazi ungazi;
5 Ngikho ukuthoga indlebe.
6 Ngezayizolo tjhuguluko,

7 Zabantu zazidojwa ngodli;
 8 Zaziba ngezami ngodli;
 9 Kwakulila abazikakarelako,
 10 Bapatjhezwe babe bomvu be!
 11 Ngavakatjhela 'ngelawini',
 12 Ngavakatjhela ngisanuka imikghatho.
 13 Ngakhiwa 'lilawu',
 14 Ngafumbatha ubudoda
 15 Ngezandla zami zombili.

16 Maye, ukubotjhwa!
 17 Ngangigangela saqhegwana,
 18 Ngangigangela sasilukazi,
 19 Ikani, ukwelelesa, kwakumphako
 20 Wabentwana kimi.
 21 'Amalawu' ngiwazi ngegego lawo:
 22 IBhaviyana ye-4,
 23 IVoortrekkerhoogte neNyulogo.
 24 Mudle ndaba zakhe.

25 Nganginesithunzi izolo,
 26 Bakwethu banesithunzi izolo,
 27 Ekhetu kunesithunzi izolo,
 28 Maye, ngikhumbula uWitvoet,
 29 Inja yekhetu ehlwa iluse ikhaya ...

30 Kwaba lilanga linye,
 31 'lilawu' lezwa ilizwi lomfundisi,
 32 Atjhumayela itjhuguluko.
 33 Utjho iindlebe ukuthlola isisibekelo!
 34 Zezwa ilizwi lomfundisi,
 35 Kwazwakala ihliziyo isithi:
 36 Akathokozwe ongabonwa ngamehlo,
 37 Yena ongaphezulu kwamafu. Amen.

4.1 Dzubhula umuda OWODWA osetjenziswe ekondlweni ohlathulula okulandelako:

4.1.1 Imbongi yathoma ukubotjhwa isese yincani. (1)

4.1.2 Imbongi isimilo sayo sabunjwa lijele. (1)

4.2 Imbongi itjho kubani nayithi 'Akathokozwe ongabonwa ngamehlo' begodu ithi athokozweleni? (2)

4.3 Hlathulula bona imbongi itjho ukuthini ngomuda we-7 nowobu-8 ekondlweni le. (2)

4.4 Dzubhula umuda osisitjho esigabeni sokuthoma sekondlo le bewutjho nokobana ukusetjenziswa kwaso kuletha wuphi umqondo. (2)

- 4.5 Ngokuzwisisa kwakho ikondlo le ungathi khuyini okwaletha itjhuguluko epilweni yembongi. Hlathulula ngawakho amagama.

(2)
[10]

KANYE

IINKONDLO EZINGAKABONWA: (UKATELELEKILE UKUPHENDULA UMBUZO OWODWA KWAPHELA)

PHENDULA UMBUZO 5 NOFANA UMBUZO 6.

UMBUZO 5

Funda ikondlo elandelako bese uphendula umbuzo.

Nawe Sokapho – JM Mthimunye

- 1 Uyikesi evuthako,
- 2 Ehlonywe entabeni
- 3 Ekhanyisela bakwethu,
- 4 Uvuthiswa mafuthakazi.
- 5 Kude neduze,
- 6 Bakulalamela ukhona,
- 7 Bararekile urarulule,
- 8 Kuthabe idzinyani.
- 9 UMbuduma noMabhoko
- 10 Emahlathini anzima,
- 11 Emthunzini opholileko
- 12 Uvulwa ngegawulo.
- 13 Lona leli
- 14 Olibonako esibayeni,
- 15 Okugawulwa esikghweni
- 16 Lomhlambi kazelusile.
- 17 Okhumbula eduze
- 18 Kubhudange isikhothamukhwa,
- 19 Kuhlengezele amakhosi
- 20 Akhumbule kude.
- 21 Kuvunulwe bekhethu, awa!
- 22 Sengathi kuyaliwa,
- 23 Sekuvele nesiba,
- 24 Kuphunywe emtlhagweni, baba!
- 25 Singene emregweni
- 26 Omkhulu njengentaba,
- 27 Sizuma iinyamazana,
- 28 Sidlulele ngaphetjheya.

29 Sembathiswe izembatho,
30 Silokhu sihlubula
31 Lokhuya kwekhethu
32 Sibeletshwe kabili.

33 Ikunzi isematholeni,
34 Umkhwani sikhwebu,
35 Umrhorhotjhi ziinthoro,
36 Khula Sokapho.

37 Sokapho uyikutani:
38 Ungokuhle kuphela,
39 Okulingene ubani nobani
40 Kele kwarha, khona la.

Tlola imihlobo yevumelwano esetjenziswe yimbongi ekondlweni engehlalawuhlathulule bona imihlobo le yeemvumelwano iwuthinta njani ummango-ndaba wekondlo le.

[10]**NOFANA****UMBUZO 6**

Funda ikondlo elandelako bese uphendula imibuzo.

Ngiyazisola – JK Mahlangu

1 Bazali bami nangiphutha ngisesemncani,
2 Nangikhasisa ngatataya,
3 Nangifukamela njengesikhukhukazi sifukamela amadzinyani,
4 Ngacapha isithepha ngelimu,
5 Kwaqina ngho ithambo.
6 Gadesi ngiyazisola

7 Ngafuza ingwenyama
8 Ubuyo bungekho,
9 Yami ipilo yaba kubulala,
10 Yami ipilo yaba kuzipha,
11 Ngarhulutjhelwa lijele,
12 Gadesi ngiyazisola.

13 Ngangilisokana mbala,
14 Isiphundu sami singasoleki,
15 Ngazenza usiyazi
16 Ngingasinyanga,
17 Ngabona abezimu bahlubule,
18 Gadesi ngiyazisola.

- | | |
|----|--------------------------------------|
| 19 | Gadesi sengikhamba njengenyoka, |
| 20 | Ngikhamba ngikhukhutha, |
| 21 | Ngikhamba ngibhaqa, |
| 22 | Ngifana nomqasa ngiyazunywa, |
| 23 | Nabezimu bekhethu banginghalile, |
| 24 | Bangifulathele bangiqalile. |
| 25 | Ngiyazisola, |
| 26 | Bizani abangani bami |
| 27 | Bizani iinhlobo zami |
| 28 | Bangihloboke ngisaphila nje, |
| 29 | Ngafa, bazangibonela ilikade, |
| 30 | Ngiyazisola bazali bami ngiyazisola. |

- 6.1 Tlola bona umuda wesi-3 nowesi-5 ngamunye umumethe mhlobo bani wesithombe-ngqondo. (2)
- 6.2 Tlola imida EMIBILI evezwe ekondlweni engehla ekhombisa bona isokaneli alisanabudlelwano obuhle nomphakathi. (2)
- 6.3 Ingabe imbongi inqophe ukuthini nayithi, 'Isiphundu sami singasoleki'? (2)
- 6.4 Ingabe ibuyelelo-mqondo elisetjenziswe emudeni we-9 nowe-10 liletha mqondo bani ekondlweni le? (2)
- 6.5 Ngokuzwisisa kwakho ikondlo engehla le ungathi imbongi iyitlole ikuwuphi ummoya? Sekela ipendulwakho ngomuda OWODWA. (2)
- [10]**

IMITLOMELO YESIGABA A: 30

ISIGABA B: INOVELA

YELELA: ESIGABENI B no-C, phendula umbuzo OWODWA omude kanye NOWODWA onemibuzo emifitjhani.

Kilesisigaba kuneencwadi zamanovela EZIMBILI: *MBALA NGUBABA KANYE NOKHOLIWE*.

Khetha inovela EYODWA uphendule ngayo umbuzo OWODWA.

UMBUZO 7: MBALA NGUBABA – PB Skhosana

Kummongo-ndaba wenovela ethi Mbala Ngubaba, kunokutjhayisana phakathi kwesiko lesintu nendlela yesikhuwa yokwabiwa kwamafa. Hlathulula bona umtlozi uphumelele kangangani ukukhetha abalingisi (UBongwe, uDladla noJason, uNaMtshweni noMavela) abafaneleko ukuphumelelisa ummongo-ndaba lo. Amagama ozowasebenzisa awabe ma-340–390.

[25]**NOFANA****UMBUZO 8: MBALA NGUBABA – PB Skhosana**

Funda isiqetjhana esilandelako bese uphendula imibuzo.

Emva kweveke abekiwe uBongwe, abantu bebasolo basathontela ngamunye ngababili. Inengi kungilabo abezwe ngemva kwendaba bona uBongwe akasekho. Imbijana bekubomma babomakhelana, abeze ngokuzokuvusela uNaMtshweni, uNoMavela. Phela abaziko bona uMavela ulizibulo kwaBongwe, bambiza ngoNoMavela, bese bathi nasele bamhlonipha bambize ngokwesiko bathi 'NaMtshweni'. Ayikho enye indlela abangabizana ngayo abomma beMadlangeni ngaphandle kwayo le yesiko. Kuyihlonipho ekulu esitjhabeni samaNdebele ukubizana ngesibongo nanyana ngomntwana olizibulo.

Ngombana ngokwesiko lesitjhaba samaNdebele umhlolokazi akahlali ayedwa, uNaTlharini naye omhlolokazi, ubasamditjhisile kilawo malanga. Bathe basahlezi ngaphandle erhodlweni, babona umrhwatjhabula omhlophe twa wekoloji uvela phezulu ngendlela engena esigodini seMadlangeni. Amehlo aphoseka maqangi kiloyo umrhwatjhabula ngewakaNaTlharini.

'NaMtshweni, uthi uyangibonisa lapha phezulu? Kunekoloji ezako. He ...! Asazi bona uzakuthi uhlubulisa abantwabakho iinzilo, kube sekufike isitjhaba esingangani sizokulilela.' Ukhuluma nje, amehlo anamathele ekoloyini ebandamele kancani ngendlela. 'Kunjalo ukufelwa NaTlharini. Nakuwe nakubhubha uSoBanyaziwe kwaba nje, awusakhumbuli?' Bayikhombisane njalo, bekufike lapha kubonakala khona bona mbala ikoloji le ize la kwaBongwe. Batjhide babalekele ngendlini, lapha umhlolokazi afukamela ngakhona.

linhliziyo zabo bezidambe, ukutjengisa bona bebasazizwisa ngesibandama selanga lehlobo. Kunini afukame ngendlini emthunzini uNaMtshweni? Sewuze uba nombala wobuntazana umntwabantu. Mbala uze, ufike ecabazini uthi tsi, umrhwatjhabula. Kwewuke ikhuwa nomuntu onzima. Bambethe amasudu. Bathi bona bewuke bazibuthelele kuhle, ukuveza bona babuhlungu eenhliziyweni ngalokhu okuvelele umuzi wakwaBongwe. Ikhuwa lavele lakhupha sakanokutjho esinzima tjhu, isikhwama. Bangena ngokukhulu ukuzotha.

(Ikhasi 5–6)

- 8.1 Ngemva kokubekwa kwakaBongwe abantu ebe beze esilahlweni sakhe bebazibuza imibuzo eminengi ngokugula kwakhe. Tlola KUBILI egade bacabanga bona ngathana kwenziwe obekungasindisa ipilwakhe. (2)
- 8.2 UMavela ubonakala ayithanda ipilo yesigoga nanyana abanekani ngehlangothini lefundo nje. Tlola KUBILI angakghoni ukukufikelela ngebanga lobujamo akibo. (2)
- 8.3 UDIadla banoJanson nabafika kwaBongwe bafika bahlala ngaphandle kodwana uNaTIharini wabatjela bona bangene ngendlini. Wathi kubayini bafanele baye kuye lapha afukamele khona. (2)
- 8.4 AboDIadla bayitholaphi indaba yokobana uBongwe akasekho ephasini. Tlola kube KUBILI. (2)
- 8.5 Nikela isizathu esenza bonyana uMavela azibize ngoGijimani Ntuli nakafika ema-ofisini waboDIadla. (2)
- 8.6 Ucabanga bona sabe siyini isizathu sakaSkhosana sokutjhiya uMavela kwamzawakhe kaMasango uSoLiseni? (2)
- 8.7 Ucabanga bona umufi uBongwe bekamlingisi onjani? Tlola ngemitjho EMIBILI. (4)
- 8.8 Ingabe uBongwe bekahlose ini ngokuthi abentwabakhe ilifa abatjhiyele lona balidle ngefundo? (2)
- 8.9 Ingabe uSkhosana uqinisile na nakathi akawadli amandla wenye indoda? (2)
- 8.10 Ingabe uyamzwela umlingisi onguMavela ngokungathathi kwakhe isiyeleliso sakayise sokobana afunde? Sekela ipendulwakho ngomutjho OWODWA. (2)
- 8.11 Hlathulula ngelihlo elihlabako ngesenzo sakaMavela sokweba iinkomo zakwabo? (1)
- 8.12 Ngemva kokuhlongakala kwakaBongwe, uMavela besele athoma ukuthandwa nokuhlonitjiswa babantu. Ngokubona kwakhe ingabe lokhu bekwenziwa yini? Tlola ngemitjho EMIBILI. (2)

[25]**NOFANA**

UMBUZO 9: UKHOLIWE – N Skosana

Ummongo-ndaba wenovela ethi uKholiwe, kusivezela isiquento esimbi umuntu angasithatha ngokuba nefihlo. Hlathulula bona umtlozi uphumelele kangangani ukukhetha abalingisi (UZondani, abantu bendawo yeVlaklaagte no-2 noKholiwe) abafaneleko ukuphumelelisa ummongo-ndaba lo. Amagama ozowasebenzisa awabe ma-340–390.

[25]**NOFANA****UMBUZO 10: UKHOLIWE – N Skosana**

Funda isiqetjhana esilandelako bese uphendula imibuzo.

UZondani gade ajayelene nabantu bakwaGatjeni esitolo. Bebamthanda khulu abantu bakwaGatjeni, bamthanda kangangoba akukho la gade angangeni ngakhona uZondani. Ngelinye ilanga uZondani afike kwaGatjeni ngekoloyi yomsebenzi, wafike wayijamisa emnyango wendlu kaGatjeni. Nakafikako uZondani begade kunganamuntu ngendlini ngaphandle kwakhe uGatjeni, boke abanye bebangesitolo. Kuthe angahlalahlala noGatjeni, phumiyani uGatjeni, asayokubiza umntazanyana wakwakhe bona azokwenzela uZondani okuya ngendeni. Uthe angaphuma uGatjeni, wasikima uZondani wangena ngakamarwini likaGatjeni wavula ilayi lala kuhlala khona isigidi.

Wasithola silayitjhile. Phela amalanga la sihlala silungile, iingebengu ziziphe amandla. Uthe angasithola waphuma msinyana waya ngekoloyini yakhe wafika wasibeka khona. Kuthe angaqeda wabuyela esihlalweni sakhe. UGatjeni uthe nakabuyako wamthola ahlezi lapho amtjihiye ahlezi khona, khangabe abe asole litho. 'Ndodana, khewutjho, udliwa yini kangaka? Nangani umzimbakho kancani kancani uya ngokuncipha? Utshwenywa yini kangaka ndodana? Nawungatjeli mina ngubani ozamtjela?' UZondani akhange azi bonyana angathini, wabala imikhuhlangi angayaziko naye. Kuthe kusesenjalo wangena umkaGatjeni aphethe ukudla nokokwehlisa, phela uZondani uyathandwa ekhayapha. Alotjhise ngokuthi, 'Awu mntanami wancipha kangaka kodwana udliwa yini webakithi!' Ilimi lakhe umkaGatjeni belingakasijayeli isiNdebele. Ube gade asakhuluma sona isiZulu. UZondani wabona bona nangambala indaba kaKholiwe iyamqeda. Nakuye umkaGatjeni uZondani wabala khona lokho. 'Mma phela njengombana kusehlobo nje, angiphili kuhle ngihlala ngokugula, kutjho bona umzimbami awuzwani nokutjhisa.'

(Ikhasi 73–74)

- 10.1 Bekasebenzaphi uZondani? (1)
- 10.2 Ngaphandle koZondani ngubani omunye owaba nehliziyo ebuhlungu ngokwaliwa nguKholiwe. (1)
- 10.3 Hlathulula indlela abantu abangenzasi abaphatheka ngayo nabezwa indaba yokuhlongakala kwakaZondani.
- 10.3.1 UMbuduma/uyise kaKholiwe. (1)
- 10.3.2 Unina kaZondani. (1)

- 10.4 Tlola igama lomlingisi owayokutjela uKholiwe bona atjhide lapha gade ahlala khona ngeMamelodi ngombana umalumakhe kaZondani usendleni uthi uzombulala. (1)
- 10.5 Umalumakhe kaZondani wayephekelelwa ngubani lapha kuhlala khona uKholiwe ngeMamelodi? (1)
- 10.6 Tlola ngokurhunyeziweko umlayezo owawumumethwe yincwadi uZondani ayitlolela unina. (2)
- 10.7 Nasiyelela indlela uZondani agcina aphume ngayo umphefumulo enovelini le kuyabonakala bona uZimu bekathandile bona iqiniso ebelihloswe nguKholiwe bona lazeke laphazanyiswa kungatlhogomeli komuntu. Veza isenzo esitholakala enovelini le esifakazela isitatimende lesi. (2)
- 10.8 Isenzo sakaZondani sokuzidumuza simveza amlingisi onjani? Sekela ipendulwakho ngomuda OWODWA. (2)
- 10.9 linkulumo zomndeni wakwaGatjeni esiqetjhaneni esingehlesi zibaveza babalingisi abanjani. Sekela ipendulwakho ngomuda OWODWA. (2)
- 10.10 Ingabe ikulumo esetjenziswe esiqetjhaneni esingehlesi ethi, 'Wasithola silayitjhile' iletha wuphi umqondo? (2)
- 10.11 Phendula isitatimende ngasinye kwezingenzasi ngoLiqiniso nofana Akusilo iqiniso.
- 10.11.1 UGatjeni banomkakhe bebazi bonyana kubangelwa yini bona uZondani ehle emzimbeni. (1)
- 10.11.2 Okwenza bona uZondani azibulale kukobana uKholiwe wamtlhala ngombana sele abone uZwelibanzi. (1)
- 10.12 Tlola isizinda sesikhathi somnyaka esisivezelwa siqetjhana esingehla. Sekela ipendulwakho bona usisuselaphi leso sikhathi. (2)
- 10.13 Ngokubona kwakho ingabe uKholiwe bekufanele bona adliwe sisazelo ngokuzibulala kwakaZondani? Ipendulwakho ayibe mumuda OWODWA. (2)
- 10.14 Hlathulula isiqunto samaswaphelo esathathwa nguKholiwe ngesenzo sakaZondani sokuzibulala bewutjho nokobana siyakholweka na. (3)

[25]**IMITLOMELO YESIGABA B: 25**

ISIGABA C: UMDLALO/IDRAMA

YELELA: ESIGABENI B no-C, phendula umbuzo OWODWA omude kanye NOWODWA onemibuzo emifitjhani.

Kilesisigaba kuneencwadi EZIMBILI zomdlalo: *IBHUDANGO LAMI* kanye *NOMBANGO KANZUNZA NOMANALA*.

Khetha incwadi EYODWA uphendule ngayo umbuzo OWODWA.

UMBUZO 11: IBHUDANGO LAMI – TG Mnguni

Ikulumo-pendulwano emdlalweni ngiyo eragisela umdlalo phambili. Tsenga ikulumo-pendulwano phakathi kwabadlali abalandelako: uTjhili noMathumbu, ilutjha nabadala naphakathi kwelutjha noMathumbu bewuveze nokobana isenzeko esivezwe yikulumopendulwano le siwuphumelelise kangangani umdlalo lo. Amagama ozowasebenzisa awabe ma-340–390.

[25]**NOFANA****UMBUZO 12: IBHUDANGO LAMI – TG Mnguni**

12.1 Funda isiqetjhana esilandelako bese uphendula imibuzo.

	<i>(Amapholisa ajamise ikoloyi bekahlike. Ngekoloyini kaMathumbu kwehle uMbonani noMathumbu.)</i>
VENTER:	<i>(Ufuthumele.)</i> Ningibizelani madoda?
ABADALA:	<i>(Ngokwethuka.)</i> Khuluma Mbulawa. Khuluma bona bewulibizelani ikhuwa ...
MBULAWA:	Besibawa ukukhuluma nawe makhosi.
VENTER:	<i>(Usafuthumele.)</i> Nifuna ukukhulumani nami?
ILUTJHA:	<i>(Lirhudule amehlo.)</i> Mhlathululele mkhozi.
MBULAWA:	<i>(Ngokutjhaphuluka.)</i> Besibawa bona utjhugulule umkhumbulo wakho, ngegadango lokuqotha umndeneni kababa uMasuku.
VENTER:	<i>(Sele afuthumele khulu.)</i> Angifuni ukuzwa litho manqophana nendaba leyo! Alo-ke kubayini ningasebenzi?
MBULAWA:	<i>(Umqale ngemehlweni.)</i> Sithathe igadango lokobana asisebenzi ungakatjhugululi umkhumbulo wakho ngegadango olithathele umfelokazi kababa uMasuku.
VENTER:	<i>(Usafuthumele.)</i> Nani ninghalile madoda? <i>(Ubuza abadala.)</i>

(Ikhasi 28)

- 12.1.1 Tlola izezo EZIMBILI ezazingakhambisani nomthetho ezabe zenziwa mapholisa kilomdlalo. (4)
- 12.1.2 Hlathulula isizathu esenza ikosikazi kaTjhili ingakwazi ukuyokujamela uTjhili ngokusebenza eplasini lakaVenter. (2)
- 12.1.3 Tlola bona ibizo lakaMathumbu uVenter walifumana njani? (1)
- 12.1.4 Tlola izinto EZIMBILI ezenza uTjhili angathandi ukuhlala esikomplasi. (2)
- 12.1.5 Yini ebeyenza uTjhili adlumbane bona uMbulawa angeze akghodlhelela ukusebenza eplasini? Ipendulo ayibe MUMUTJHO. (1)
- 12.1.6 Hlathulula isisusa somguruguru owaba seplasini lakaVenter. Ipendulo ayibe mimida EMIBILI. (4)

12.2 Funda isiqetjhana esilandelako bese uphendula imibuzo.

(Emapholiseni ebusuku amapholisa amajadujadu ngomsebenzi wawo wangamalanga.)

BOTHA: *(Uphethe iphetjhana elinamabizo weembotjhwa.)*
Dumako! Dumako!

DUMAKO: *(Uyasabela bewuyagijima.)* Ngiyeza!

BOTHA: *(Umnikela iphetjhana.)* Ngifuna bona ungikhuphele iimbotjhwa nanzi.

DUMAKO: *(Ngokurareka.)* Ngizisephi mhlontjhwa?

BOTHA: Uzilayitjhe ekoloyini yethu edosa ngemva nangaphambili.

DUMAKO: Kulungile mhlontjhwa. *(Aphume.)*

BOTHA: *(Uhlezi nge-ofisinakhe begodu ubetha umlozi.)*
(Kungene uJooste nge-ofisini.)

JOOSTE: Wathaba kangaka mlingani kubayini?

BOTHA: *(Uyahleka.)* Phela namhlanje lilanga lokobana siyokubulala iimbotjhwa zoke ezimavukela mbuso.

JOOSTE: O! Ngiyakhumbula. Phana zingaki iimbotjhwa eziyokubulawa namhlanje?

BOTHA: Zilitjhumi nesithandathu. Ezihlanu zazo ngezililutjha. *(Akhuphe ibhrendi ayibeke etafuleni.)* Thela sifuthumeze iingazi.

(Ikhasi 36–37)

- 12.2.1 Phendula ngo**Liqiniso** namkha **Akusiliqiniso** bese usekela ipendulwakho ngephuzu ELILODWA.
UVenter nanyana bekanebandlululo nje begodu anganandaba namalungelo wabantu abasebenza eplasini lakhe kodwana ubekade alikhathalele iphuzu lokobana ilutjha lifunde. (2)
- 12.2.2 Ngikuphi okwaqinisekisa amapholisa bonyana mbala uMbulawa ulivikela mbuso? (2)
- 12.2.3 Ingabe amapholisa amabili la, uMabona banoDumako bebakuthabela na ukubulala iimbotjhwa zombanganarha? (2)
- 12.2.4 Ngokuya ngawe ukusinda kwakaMbulawa kumveza amdlali onjani? Sekela ipendulwakho ngephuzu ELILODWA. (2)
- 12.2.5 Nangabe bewumdlali onguTjhili ngiliphi igadango ebewungalithatha ukwenzela bona uMbulawa akwazi ukuragela phambili ngesikolo. (1)
- 12.2.6 Ingabe izenzeko ezisemdlalweni lo ziyakholweka na? Sekela ipendulwakho ngomutjho OWODWA. (2)
- [25]

NOFANA**UMBUZO 13: UMBANGO KANZUNZA NOMANALA – SM Mnguni**

Ikulumo-pendulwano emdlalweni ngiyo eragisela umdlalo phambili. Tsenga ikulumo-pendulwano phakathi kwabadlali abalandelako: uNanasi noNzunza, uMusi noNzunza naphakathi kwakaNcagu noNzunza bewuveze nokobana isenzeko esivezwe yikulumopendulwano le siwuphumelelise kangangani umdlalo. Amagama ozowasebenzisa awabe ma-340–390.

[25]

NOFANA**UMBUZO 14: UMBANGO KANZUNZA NOMANALA – SM Mnguni**

14.1 Funda isiqetjhana esilandelako bese uphendula imibuzo.

IKOSI:	Somphangwa uphi uRhobongo wena uwedwa nje? Ngibawa ukuthi ungqathekele equsaneni lelo bese ubiza uNgendu nize nganeno. Ngifuna khesizokutjhuka umkghadi sisobathathu.
USOMPHANGWA:	(<i>Aqatheka</i> .) Bayede! Wena owakhula sisapupura iintanga. Ngisayombiza ndabezitha, mlomo ongakhulumi amanga.
IKOSI:	Wenze msinyazana Somphangwa.
USOMPHANGWA:	Bayede ngwenyama! (<i>Ebandla</i> .) Rhobongo ikosi ifuna ukusibona sinawe msinyazana, namba sikhambe.

URHOBONGO: Ungithuselani Somphangwa? Kambe kuyathusa ukubizwa yikosi khulukhulu amalanga la.

USOMPHANGWA: Wathi amalanga la kghani woneni?

URHOBONGO: Wena ongangoSomphangwa ngithuswa kukuthi amalangana la ikosi ayinapilo ehle. Mina angiyazi inje ngikho sekubethana amadolo nje.

(Ikhasi 3)

- 14.1.1 Tlola ibizo lekosi ekhuluma esiqetjhaneni esingehla. (1)
- 14.1.2 Khuyini umsebenzi kaSomphangwa banoRhobongo ngekosini. (1)
- 14.1.3 Ngesikhathi somdlalo lo kuthiwa isitjhaba samaNdebele besihlala kiyiphi indawo. (1)
- 14.1.4 Ikulumo kaRhobongo ethi, 'Ngikho sekubethana amadolo nje' isibikelani ngokomdlalo lo? (2)
- 14.1.5 Tlola uveze ubujamo bekosi obenza bona amadolo kaRhobongo abethane. (2)
- 14.1.6 Tlola uveze ngokurhunyewo umraro osesingenisweni somdlalo lo bewutjho nokobana ubangelwe yini. (3)
- 14.1.7 Ucabanga bona ngisiphi isizathu esenza bona umtlozi womdlalo lo asethulele ikosi ingasisebujameni obuhle? (2)
- 14.1.8 Abatloli bemidlalo esuselwa ehloko banikela abadlali babo iimilo ezahlukahlukeneko nezizokwenza bona bazisebenzisele ukuphumelelisa ukwethula ummango-ndaba abawuhlosileko. Akhe uveze isimilo ngasinye sabadlali abangenzasi bewuhlathulule nokobana lesosimilo siwuthinta njani ummongondaba womdlalo lo.
- (a) Unanasi (3)
- (b) UManala (3)

14.2 Funda isiqetjhana esilandelako bese uphendula imibuzo.

UNANGUBOKAZI: Thula uqale mina ngiqede ukubhinca ingubo yedini le, uzakubona nangiqedako ukuthi kuzakwenzekani. Lethani enye leyo ngiyembathe. (*Kurhuwelela uNaNgubokazi acimezile.*)

UNCAGU: Jamani, ihloko yendoda ayeqiwa.

UNZUNZA: Kwamambala ningibelethile Songubo. Nisize uNdala nasiza nami. Kusakela namhlanje ningebakwaMsiza.

UNZUNZA:	Sitjhaba samaNdebele kulithabo elingangani nasele sihlangene soke lapha. Namhlanje sakha ubuhlobo nesitjhaba sekhethu ekungesomfowethu uManala. Siqinisa ubuhlobo ngokuthi sithathe uMthise kaTjhangutjhangu abe yiNdlovukazi kaNcagu kaMbuduma.
ISITJHABA:	Bayede! Bayede! Ndabezitha. (<i>Imbongi isikime ibonge uNzunza.</i>)

(Ikhasi 74–75)

- 14.2.1 Hlathulula umnqopho womtlozi wokusebenzisa uNaNangubokazi emdlalweni lo. (2)
- 14.2.2 Ngokuya ngawe ingabe indlela uNaNangubokazi aqede ngayo ipi hlangana nesitjhaba samaNzunza nesaManala iyakholelweka nofana ayikholelweki? Sekela ipendulwakho ngelwazi onalo. (2)
- 14.2.3 Itheksti engehla le iyingcenywe yesiphetho somdlalo lo. Phawula uveze ukwaneliseka nofana ukwaneliseki ngendlela isiphetho lesi singakho. (3)

[25]

IMITLOMELO YESIGABA C: 25
INANI LOKE: 80